

SUPPLEMENT TO Mr. HOBBS HIS WORKS

Printed by BLAEU at *Amsterdam*, 1661.

Being a third VOLUME,

Containing

1. *De Mirabilibus Pecci.*
2. *Three Papers to the Royal Society against Dr. Wallis.*
3. *Lux Mathematica.*
4. *Prima partis Doctrina Wallisiana de Motu Censura Brevis.*
5. *Rosetum Geometricum, siue Propositiones aliquot frustra antehac tentatae.*
6. *Principia & Problemata aliquot Geometrica, ante Desperata, nunc breviter Explicata & Demonstrata.*
7. *A Catalogue of the Author's Works.*

LONDON:

Printed by J. C. for W. Crooke, at the Green Dragon
without Temple-Bar. 1675.

107. E 15

*Hobbes (1)
not*

16/ from Pedersen & D. 20, 30 (20/3)

1

A D
NOBILISSIMUM
DOMINUM

GULIELMUM Comitem DEVONIÆ, &c.

*De Mirabilibus * Pecci,*

* The Peak.

Carmen

THOMÆ HOBBS Malmesburienf.

*Alpibus Angliacis, ubi Pecci nomine, surgit
Derbensis regio, montes ad sidera tollens,
Fœcundaſq; rigans, non uno flumine, valles,
Stat Chatsworth præclara domus, tum mole ſuperba, Chatsworth;
Tum Domino, Magnis, celerem^a Deroentis ad undam^a Mirab. 1.
Miranti ſimilis portam præterfluit Amnis, Derwen.
Hic tacitus, ſaxis, infra ſupraq; , ſonorus.
At Mons terga domus rapidis defendit ab Euris,
Oſtendens longe exertis juga confita ſaxis,
Præſectq; die, produçens tempora ſomni.
Summovet a tergo rupes gratiſſimus hortus,
Pinguis odoratis ubi tellus floribus hælat;*

A 2

Arbor

De Mirabilibus Pecci.

^a Prunetis in ipso
horto, sylvas imi-
tantibus.

*Arbor ubi in mediis^a sylvis sibi libera visa,
Dat fructus injussa suos; ubi frondea tecta
Arboreis præbent invito frigora sole.*

^b ambulationibus.

*Porticibus, potiora tuæ (Maro) tegmine fagi;
Ars ubi (dissimulans artem) simulavit (ineptos
Consocians ferro lapides, guttaq; peresos)*

^c Rupes arte com-
politas.

*Informes^c scopulos, & frigida fontibus antra.
Libera nativis veniens a rupibus unda*

^d Plumbo, quod^d
in eâ regione, ter-
ra effoditur.

*Accedit positus,^d patrio captiva metallo,
Et tellure latens, duplicem jaculatur in orbem
Jussa, suum laticem, per mille foramina ceca,
Et scopulum complexa tenacibus undiq; venis,
Jussa fugat misso subeuntes desuper imbre.*

^e Tubulis plum-
beis.

*Hinc avecta creat sublimen marmore fontem,
Atq; ingressa domum Promos conserva Cocosq;
Adjuvat; in mediis surgitq; penatibus, alto
Infudens nitidam manibus de marmore lympham.
Et quamvis tubulis tantum effluat illa quaternis,*

^f Fons Athenis sa-
cer, novem efflu-
ens fistulis.

*Non tam^f Calliroe pulchre fluit Enneacrune.
Rejecto paulum fluvio, sese ingerit horti
Angulus alterius, tecta alta a fronte videntis.*

^g Piscinæ.

*Disposita hic gemino collucent ordine^g stagna,
Immersum tremulis undis quatientia solem,
Queis magno numero salit, & lascivus inerrat:
Non intellecto conclusus carcere piscis.
Quam juvat, hic, quoties piscatrix candida prædam
Abjicit illectam, morem observare puellis
Innatum, captare viros, & spernere captos!*

Quam

De Mirabilibus Pecci.

Quam libet in medijs mirari fluctibus, alto
 Aggere suspensos hortos ! Quæ Cæsare moles
 Digna Cavendisiâ certe est in gente, pusillum
 Fœmineumq; opus. At quota pars ea laudis Elizæ
 Salopicæ ? quæ multa, & magna palatia struxit ;
 Magnas divitias ; magnamq; bonamq; paravit
 Famam ; quæ magnos sibi conciliavit amicos,
 Ornavitq; humiles ; Multam, magnamq; reliquit
^a Prolem, qua regio late nunc usq; beatæ.
 Quam dulce est, inter, circumq; nitentia stagna
 Insternente vias, æstivâ semper, arena,
 Discipulum memet naturæ tradere rerum ;
 Aut Domino exiguum meditari carmine ^b Munus,
 Et multum Musis, describere rura, rogatis.
 Commodiore loco non usquam habitare, nec usquam
 Candidiore frui Musæ censentur amico.
 Hinc, ad tecta, solo surgente, ascenditur, Extra,
 Augusta aspectu, sublimia, Regia ; & intra,
 Commoda, culta, capacia, splendida, ditia tecta.
 At tu marmoreis quæ sint descripta figuris
 Ficta Poetarum, priscorum aut facta virorum,
 Ne cures, duro nec certans marmore Gypsum.
 Ingenuos nec cupias numerare ministros ;
 Sed Dominum, mea Musa, colas, cui gente vetusta
 Orto, dat titulos Devoniam, Derbia ^c Curas.
 Acrem judicio ; constantem pectore ; lautum ;
 Utentemq; opibus, luxu sine, & inter amicos.
 Ille Chori vestri summum decus ; ille benigna

^a Comites Devonia, Novi-cæstri, Kingstouæ, nepotes Comitissæ Salopiensis.

^b Hoc ipsum.

^c Præfecturam militiæ in argo Derbensis.

Otia.

De Mirabilibus Pecci.

^a Christianam
Comitissam Devo-
nia.

^b Dominam An-
nam Cavendish.

^c Guilielmum
nunc Comitem De-
vonie, cum Fratre
Carolo.

Otia dat Musis ; sed & illi Musa deserto
Ore loqui, atq; animo secernere turpia honestis.
Tum ^a Dominam spectes, altâ de gente Brusorum
Magnanimo proavos spirantem pectore Reges.
Amborumq; vide Sobolem, imprimisq; ^b Puellam
Dignam, qua caleant Superi, binosq; ^c Puellios
Angelicos, casti communia pignora lecti.
Hos tu mireris, sobolemq; & utrumq; parentem ;
Cetera quæ referes miracula, sunt minoris.
Alti censenter septem miracula Pecci.
Ædes, Mons, Barathrum, binus Fons, Antraq; bina.
Scilicet illæ ipsæ, quas jam memoravimus, Ædes
Ornatæ, tot sunt inter miracula, primæ.
Intra has, de Reliquis orto sermone quibusdam
Est visum, promptis rerum perdiscere causas,
Et mihi (namq; opere pretium est) ea visere mira.
Anni tempus erat quo tellus fœnora solvit ;
Et vitreum seclis absterferat altus aristis
Jam Phœbus rorem, cum tecto excedimus, Ipsi,
Duxq; viæ, servusq; (sed ille vicarius) unus.
Egressi auferimur portis ; petimusq; propinquam,
Pillsley, dein Hallsop salebroso tramite. Montem
Hinc celsum, acclivemq; , gradu lento, & pede lasso
Scandit equus, summumq; jugum mox calcat anhelus.
Conversi miramur aves jam repere segnes,
Atq; humiles claro transfigi vertice nubes. (est.
Chatsworth jam punctum, Deroen jam linea curva
Vix iter inceptum sequimur, cum levia montis

Aspi-

De Mirabilibus Pecci.

*Aspicimus crebro lacerari vulnere terga
 Lateq; egesta^a liratum, albescere terrâ.
 Est sublime solùm, tenuiq; friabile gleba,
 Quod ne quando sua possit subsidere mole,
 Natura ingenito suffulcit provida saxo.
 At saxum innumeris divisit in ordine rimis,
 Ater opum Dominus. Cunctasq; ita solis ab ortu,
 Duxit in occasum, non ut sensisse calentem
 Lampada Phœbeam, sed & aspexisse putares.
 Condidit his sulcis melioris cruda metalli
 Semina, solari post perficienda calore,
 Tutanda interera duræ munimine rupis
 Dixis avara manus frustra. Nam nec satis igne
 Concoquit obliquo Sol Plumbi terrea frustra,
 Nec custodit humus sibi credita. Viscera terræ
 (Certus opum quacunq; latent regione repositæ,
 Infidiator) homo, ferro pervadit & ^b igne.
 Saxea plumbifera rescindit tegmina venæ,
 Exhaustiq; audax jam, paupertate jubente,
 Tartarei prædo fiscum spoliare Tyranni.
 Haud impune aliquando. ^c Duos telluris in imo
 Deprensos gremio, Mors occupat, atq; profundo
 Oppressos tegit, ipsi quod fodere, sepulcro.
^d Spiramenta (tubis egre admittentia ^e iniquis
 Quos castigato detrudit inedia ventre)
 Ligniculis intus ^f vincit, venamq; sequitas
 Materie fossas sustentat, gnara periculi,
 Atq; experta, diu jam gens ^g damnata metallis;
 Ut*

^a Ordinatim, nam
 series fodinarum
 unde hauritur
 plumbum, paral-
 lelæ sunt. Anglicè
 vocantur the
 Rakes.

^b Nam saxum
 quo plumbi venæ
 continentur, eâ est
 aliquando duritie,
 quæ non nisi igne
 vincitur.

^c Contigit præter-
 euntibus nobis, è
 duobus, qui ruinâ
 foveæ oppressi fu-
 erant, unum ex-
 trahi, alterum
 quæri.

^d Fovearum spi-
 racula.

^e Actis.

^f Constringit, ut
 distineantur fo-
 vear latera.

^g Quam ad opera
 damnaverat pau-
 pertas.

■ Extrahi.

b Umbra brevissima, ante pedes projecta, arguit, & solem meridianum, & nos ad Aquilonem conversos.

c Pope.

Us non incantos scires perisse, sed Orco
Quæsitos. Terræ hic subducit fulcra caduca,
Expressasq; animas, vicinis congregat umbris.
Corpora corporibus quærent. Sic credita sæpe est
Emissa amissam monstrasse sagitta sagittam.
Ante pedes unum terra jacet ecce cadaver
Effossum; nostriq; monet meminisse Cadaver,
Marcida, iners, putris, nostriq; simillima res est.
Alterum adhuc tectum tellure, ^a resurgere corpus
Expectat. Sedet, egestæ super aggere terræ
Turba supina locis spectatum egressa propinquis;
Plorantesq; duæ mulieres. Altera sueta
Gaudia perdiderat; spem amiserat altera dulcem.
Alterius flammam, longus restrinxerat usus;
Alterius, spes effrenisq; libido sciendi
Foverat ardentem. Plorant utraq; Maritum.
Illa quidem luget, luget magis altera sponsum.
Deploranto. Via qua cæptum est pergimus ire.
Jam pede mille quater passus numeramus equino,
Et toties socium spatiis pes quilibet aquis
Præteriens, terram alterno percusserat ictu.
Anteit umbra pedes, monstratq; brevissima, ^b qua stat
Titan parte poli, & quam nos spectamus euntes.
Linquimus opidula hinc atq; illinc plurima. Quorum
Postremum tantum Romane dicere ^c Spes est.
Cætera non referam impedientia nomina versum.
Per loca transversis longe lateq; fodinis
Plena, soloq; cavo, & pleno mortalibus intus,

Ingre-

^a Supra capita a-
gentium subtus in
cuniculis.

Ingrēdimur^a superi; medio tonat ungula Campo.
Festinantis equi; atq; una, aut paulo amplius, hora,
Præcipitis ferimur subita ad declivia Montis.
Pronum erat hinc vicum subiectum intrare cadendo.
Sed nobis ambage viam & cauto pede tritam
Ire placet, primumq; ad dexteras Sole recepto,
Et mox conversis lævo descendere eodem,
Paulatim, & pedibus nosmet concredere nostris.
Consensus hic rursus equis, sub Monte sinistro,
Intramus pagum qui summa in rupe locatum
Aspèctare jubet,^b deducto nomine, Castrum.
Castrum non aliquo bellorum insigne labore;
Non magnum, non artis opus spectabile; nostris
Impar tormentis, nec inexpugnabile priscis.
Antiquum tamen & saxo super edificatum,
Sustinet annorum, ventorum incommoda temnit.
Forsitan & Dominis sub plumbi-potentibus olim
Latronum potuit subitos arcere tumultus.
A Castro statim mons scissus, detumet ambas
In partes; velut inclinato Corpore nostro
In crura extantes deturgent utraq; clunes.
In medio sinus est: atq; erectissima utrinq;
Rupes quæ ingenti redituram pondere terram
Destinet, & tutis succedere ad intima præstat.
Jam ventum est (pudet effari) ^cPlutonis ad anum,
(Ut vocitant pleriq;) loci vocat incola, Peak's ars.
Nobile suspensis aperitur rupibus Antrum,
^d Ignoto tibi Phæbe loco, sed segnibus Urfis

^b Castleton.

^c Orci culum,
Ang. The De-
vils Arse. Mi-
rab. 2.

^d Quò nunquam
pertingunt radii
solares.

B

Obverso,

Obverso, & reliquis mergi metuentibus astris.
 In speciemq; patet furni, vel qualiter Orci
 Ora perhorrifico pinguntur hiantia rictu
 Post lte auditum, turbam sorbentis abactam.
 Sublimes intramus equis. Tecta intus, & altos
 Suspicimus cumulos detonsi munera prati.

^a Lacunar ingens. Sed ^a cælum attoniti miramur saxæum; ut ingens
 Sustineat montis, nullo fulcimine pondus;
 Laudamusq; tuas æterne Geometer artes.
 Cernimus & denso colatam fornice lympham
 Guttatim elabi, & solidâ tellure receptam,
 Æquoream in patriam reditum jam nunc meditari;
 Jam nunc exiguis properare canalibus, undas
 Quærentem socias, & fortius ire parantem.
 Jamq; Amnes, ipsis videor didicisse magistris,
 Non fieri, falsum terra potante, liquorem
 Littora ad ipsa maris, quasi celsis montibus ipse
 Celsior Oceanus conclusam expelleret undam;
 Sed mare Phœbæâ tenuatum surgere flamma
 In Cælum; ætæumq; Æoliis errare ministris;
 Mox Phœbo fallente algens, totaq; recepta
 Natura, in terras fletu descendere; & esse
 Flumina collectas lachrymas. Placet ima cavernæ
 Umbrosæ, illata penetralia visere luce.

Descensos ab equis, antri virguncula civis
 Præcedit, formosâ satis, nimiumq; puella
 Datq; animos gressusque regit jucunda ^b Celenstis.
 Primumque ingressis ^c confuso lumine sensim

Accedunt.

^b Vox nautica,
 hortatrix.

^c Misto, ex coele-
 sti & lychneâ.

Accedunt cautes utrinque, diemque recurvis
 Extinguunt sinibus. Tum demittentia sese
 Arcto^a quadrupedes admittunt fornice saxa.
 Erecto rursus rursus mox corpore prono
 Pergimus, alterna pecudes hominesq; figura.
 Donec transverso tandem prohibemur ab amne.
 Amnem quem clausum fert sub tellure canalis
 Haecenus, hic humili patitur spirare sub arcu;
 Exitq; interdum non irrevocabilis unda,
 Nunc speculatores propius, nunc longius arcens.
 Huc nobis, ultra nulli licet ire. Nec est fas
 Credere narranti vetulae de patre, quod olim
 Lychnorum ingressus librali fasce, fluentum
 Tunc^b modicum tranavit, & ulteriora sequutus,
 Tantum ivit, quantum licuit remeare^c timenti
 Incidere in noctem. Remeamus, & altius, ante
 Signatis, unda imprimimus vestigia arenis.
 Eximus noctem, diasq; recepimus oras
 Cum emerfis, ante ora, poli Mons, emulus alti
 Tollitur, avulso praecipit ceu fragmine murus.
 Desuere aeternum perhibent a vertice terram,
 Nec tamen imminui montem. Mirabile dictu,
 Constaret si certa fides. Sed acutus arena
 Labente, agnoscens tumultus, tacito indicat anctum,
 Continuum hunc fluxum primum coepisse ruina
 Ingenti, equatoq; habiturum culmine finem.
 Quemq; vocant alii correpto nomine Ham-Cor
 Rectius hunc Clivum videor mihi dicere Ham-Cor,

a Nos, penè pro-
 stratos.

Vetulae ridicula
 narratio.

b Facilius trana-
 vit quia minime
 altum. Ridiculum.
 c Noctem timuit
 in speluncâ tene-
 brosiâ. Ridi-
 culum.

Ham-Cor.
 Mirab. 3.

*Quod sonat Angligenis Clivus Mutilatus, & ipse
 Mons, nomen magnâ Mutilatus parte fatetur.
 Progredimur, versi ad levam, duo millia passum,
 Ad septam muris, dictamq; sine arbore, Sylvam,
 Peccanam. Cervos nudis in montibus urit
 Acris hyems, nulla tectos a frigore fronde;
 Sicca æstas, nulla tectos a solibus umbra.
 Sæva hominum, canibus sociis, lascivia multos,
 Multos sæva necat varii inclementia cæli.
 Et Fovea absorbet non magnam Eldenia partem.
 Est ea terribilis scissæ telluris hiatus,
 Quem digne ut memorem veterum undiq; convoco fru-
 Concilium; nam tale nihil finxere Poetæ. (stra
 Tentandum tamen; & primum quam formam habet oris
 Musa refer; formæ simili composito. Magno
 Nam potes exemplo parvis componere magna.
 Dic tandem; dic summisse soli mihi, in aurem.
 Obtinet^a obscæne sibi conscia virgo figuræ.
 In latere herbosi collis, pascentia circum
 Destituens armenta solum, rimaq; secundo
 Monte patens, auras atro inbibit ore sequaces.
 Quod procumbentes oculis de margine pronis
 Cum inspicimus, vastum inspectantes terret inane,
 Subiectumq; horrens animus videt infinitum.
 Et quamvis tutos jam securosq; tueri
 Continuo stantes hortentur marmore ripe,
 Non animis eadem spondentibus, ora Barathro
 Demimus, & diro regnatis Dite tenebris.*

*a Est enim Foveæ
 os, formâ cunno-
 cides.*

De Mirabilibus Pecci.

11

*At lapides toto sparsos conquirimus agro,
Verbere qui tandem per longa silentia missi,
Quis sit eis doceant (si quis sit) finis eundi.
Missi subsidunt lapides, feriuntq; cadentes
Cecam (sed longo feriunt post tempore) rupem.
Inde docent decies repetito verbere lapsi.
Deceptos decies necquicquam querere fundum.
Tum vero ardemus, si vis respondeat aqua,
Ingerere integras turres, & tecta (si adessent,
Et non angusto tellus nimis ore negaret)
Tota simul, totosq; altos ibi perdere montes.
Quod licet, immani defixum pondere saxum,
Vi multa eruimus, prona & tellure volutum
Sistimus ad sacrum limen. Tum talia famur.
' Umbrarum præfekte Deus cruciatibus, Ecce,
' Securi nostræ sortis, certiq; supernæ
' Jam pridem sedis (ni nos tibi concolor author
' Fallat) tormentum jam inventis addimus unum.
' Pone sub hac rimâ, tibi siqua sit umbra rebellis,
' Insignisve fide violatâ. Subde Simonem,
' Aut Judam (Judam Iscarioten.) Subde Gigantes.
' Contriti fient Umbrarum protinus umbræ.
' At vos, O animæ, quibus incaluere retentis
' Cognita amicorum, dilecta; corpora nobis,
' Ferte pedem retro monitæ, & non temnite dicta.
Sic fati, lapidem demittimus. Ille per auras
Stagnantes, densa mersus caligine fertur
In scopulum. Gemit horrendum percussa Caverna,
Col-*

Collisq; cecident alte suspiria moles.

Excussum primo, scopulus mox excipit alter,
Audito sonitu nobis minus, at magis Orco.

Territat arrectis jam stantes auribus umbras
Tertius, atque minis quartus propioribus iectus.

^a exertis cautibus
asperum.

Quid moror? undeno^a dentatum guttur Averni
Verbere dum transit, se & tunc lapis ire susurrat.

Post id quicquid iners aer vix auribus adfert,
Non sonus est, sed imago soni. Vento ocyus umbræ
Diffugiunt, Erebiq; tegi sub fornice certant.

^b nam Limbus
Patrum jamdu-
dum vacuus.
^c Purgatorium.

Interea infernas percurrit in ordine Sphas,
Descendens tacite saxum. Confinia Ditis
Attingit, ^b vacua evertitq; sedilia Patrum.
Inde per intensum festinans labitur ^c ignem,
Candentesq; animas (tubulorum more recoctas
Fistilium, quos, transmissa fuligine, pinguis
Infecit Peti fumus) cæloq; locandas.

^d non regenerato-
rum.

^e Limbum.

^f pœnas, non sen-
sit at damni.

^g Umbra Aristo-
telis.

Infantumq; ^d semel natorum pervolat ^e orbem.
(Inscius admissi, pœna luit ^f inscius, infans.)

Ultima tum subiens, infandaq; Tartara, centrum

Transit (at hæsurum promiserat ^g Etelechia,
Credenda umbra tamen) fundumq; ascendit ad imum.

Et redeunt trepidi Manes residente favilla;

Quos inter timet, & fert unus Sisyphus ægre
Successisse suo graviore pondere saxum.

Fertur ad hoc Antrum venisse Lecestrius heros,
Dudleius, notus Comes is regnantis Elizæ.

Ille inopem quendam parvo (sic credimus) ære

Con-

Conductum, & longo succinctum pectora fune,
 Instructum conto, Pelleam imitante Sarissam,
^a Exploratores cophinoq; ferente lapillos
 Demitti, & mediâ jussit pendere Caverna.
 Inde jaci lapides, atq; auribus aera pronis
 Captari, inde cavum propius scrutarier altum.
 Descendens pavide miser, accedentia saxa
 Nunc removet conto, nunc desiliente lapillo
 Calculat immensum spatium, numeratq;, quot ictus,
 Tot mortes; & fila timet pendentia vitæ,
 Ne quis lascivus secet, injussuq; Sororum.
 Postquam bis centum sub terram circiter ulnas
 Mersus substiterat, funemq; tetenderat omnem,
 Satq; diu tenso de fune pependerat, Antro
 Extrahitur, cupido Heroi responsa daturus.
 Verum, siue metus mentem expugnaverat ingens;
 Siue celer motus torti vertigine funis
 Immodica, Solio Rationem excusserat alto;
 Siue Erebi, siue ipsa sui jam spectra timoris
 Pallida terruerant; siue arcem mentis abactæ
 Spiritus inferni possederat improbus Orci;
 Haud dubie furit infelix. Sic lumina torva,
 Mutatusq; color, pallor, tremor, omnia monstrant.
 Ergo ubi non cuiquam intellecta profuderat, & quæ
 Æquabat magnis ^bsententia nulla Prophetis,
 Conticuit, Manesq; dies post octo ^crevisit.
 At Comes audito quo ^dpertinet usq; Caverna,
 Horruit, & (non hac, neq; nunc subiturnus) abiit.

^a quibus deciden-
 tibus exploraret
 foveæ altitudi-
 nem.

^b quis ea loqui
 quorum nulla est
 sententia, com-
 mune est vatum,
 infanientiumque.
^c Mortuus est a
 Phrenefti.
^d Pertingit, scili-
 cet ad Inferos.

Hinc

Fons æstuans.
Mirab. 5.

Hinc centum passus decies numeramus, & ecce,
In valle occulta, radicibus exilit imis
Graminei Collis, gemino Fons ore perennis.
Quem quoniam immensi mirandos æquoris æstus
Ludere in exigua fama affirmaverat unda,
Visum est (quantumvis Phœbo properante) morari
Paulisper, si forte aquule miracula detur
Aspicere admotis, & famæ testibus esse.
Quæ vitreis ebullit aquis tremula unda, duarum
Major, splendidiorq;, & poscens sola videri,
Excipitur puteo, structis non equiparando,
Sed qui fortuito quovis ornatior ortu est.
Inde soluta fluit, nisi quæ fundo retinetur
Lata duos cubitos, tres longa, unumq; profunda.
Unum dico suo quando contenta liquore
Subsidet, at binos quando hospite tollitur unda.
Labra reclinatæ signabat saxeæ ripæ
Linea, quam latices ipsi fecere tumentes,
Subnigris saxis modo detumuisse reperti.
Ergo cessatos iterum expectare labores
Tædet, & improbius visum est. Discedere prorsus
Admotis properamus equis. Jam jamq; abeuntes
Concussis revocamur aquis. Liquidosq; videmus
Attolli latices, sensimq; irrepere saxis.
Jamq; fere pleno saltabat fervida fonte
Lympha, velut rabidus cum subditur ignis aheno,
Nescia stare loco, refugit sævum unda metallum,
Cum juxta fontem, condicto rivulus ortu

Erumpit

Erumpit subito, superinfusoq; liquore,
 Præstat aquæ solitos anctæ contingere fines.
 Quo perducta, iterum decrescit, & illico rivi
 Desuper immissi restinguitur impetus, & quæ
 Respuerat, repetit sitiens sua pocula Tellus.
 Distracti laticis pars effluit altera ripis
 Fontis; pertuso infertur pars altera fundo.
 Furtaq; muscosis erepta leuissima saxis,
 Graminaq; & palcam & tennis præsegmina chartæ,
 Sive aliud quicquam parua superabile lymphæ
 Injicimus, rediens infert in viscera terræ.
 Jamq; humili fonti, proprius vix constitit humor,
 Cum redeunt fluctus; Iterum cen febre laborat
 Unde tremens; iterum æstuat; anctaq; lymphis
 Externis, iterum^a tropicam contingere metam
 Sufficit, accepto velans sua littora fluctu;
 Atq; iterum residet. Sed nos vetat^b umbra morari,
 Umbra giganteas mentita Colossea formas.
 Maturamus iter, sed quærimus inter eundum,
 Conamurq; , omni collato discere signo,
 Abdita quæ tantum concivit causa tumultum.
 Nam neque Salsedo, neque quid commune marinis,
 His reperitur aquis; Phæbes nil imputat astro
 Fons hic, temporibus nec tollitur (ut mare) certis;
 Æstibus his nullam præfigit Ephemeris horam.
 Ergo quid in causa est? Paucis sic accipe. Prodit
 Quæ tellure cavâ, fontiq; illabitur unda
 Advena, non istius proprio delata canali

a quo provec̃ta
solebat decrescere.

b Solis jam occi-
dentis.

C

Per-

Peruenit, atq; volens alienos occupat ortus,
 Sed dum duſtriciſ ſequitur veſtigia lymphæ,
 Longinquoſq; petit, per terræ viſcera, fontes,
 Intrat in anguſtis ſubeunda meatibus antra.
 Huc quoties humor tumefactâ deſluit undâ,
 Præcipitiq; aditum comprehendit ſumine totum,
 Protinus aura locum concluſa tuetur, aquisq;
 Pernegat ingreſſum, nec habens quo cedere, pugnat,
 Utq; eſt deprenſa nihil obfirmatius aura,
 Suſtinet urgentes exili corpore lymphas.
 Tum, conferta velut ſi portis irruat arctis
 Turba, hærent, ipſo deſixi in limine, primi;
 Quæ ſequitur ſtat pro foribus ſtipata caterua,
 Parſq; urget ſocios, alias dilabitur & pars
 Quæſitura vias: Excluſus deſluus humor
 Intumet, impatiensq; moræ, expatiatur, & errans
 Fertur in hunc fontem, lentarum impulſor aquarum.
 Hinc fit poſt magnos guttis pluuijalibus imbres
 Tranſmiſſis, æſtus fieri crebros, & in horas,
 Fluclum (ut nunc) vicibus tolli, & ſubſidere ternis.
 Sed poſt continuis tellurem ardoribus uſtam,
 Vix ſemel in toto cerni hæc miracula menſe.
 Jam noſtros fugiens viſus, Auriga diei
 Antipodas tota luſtrabat Lâmpade; nobis
 Languida ſuccenſæ præbebant lumina nubes.
 Et ſimul ad celebrem tepidis deponimur undis
 Buxtonam. Divæ ſacer eſt fons inclytus Annæ:
 Ambaſ miſcet aquas calide gelideq; miſtra

Burton Well
 Mirab. 6.

Tel-

Tellus; sulfureisq; effundit Pharmaca venis.
 Hæc resoluta senum confirmat membra trementum.
 Et refovet nervos lotrix hæc lymphæ gelatos.
 Huc infirma regunt baculis vestigia claudi;
 Ingrati referunt baculis vestigia spretis.
 Huc, Mater fieri cupiens, accedit inanis,
 Plenaq; discedit, puto, nec veniente marito.
 Excipitur, ferme quadrato fonte, serena
 Nascens unda, & quinq; pedes vehit alta natantes.
 Spectator muris, & tecto excluditur imber.
 Hospitioq; eadem gratissima balnea nostro
 Conjungit foribus paries communis apertis.
 Ergo placet, coquitur dum cespite cæna cremato,
 Defessos lymphis refovere tepentibus artus.
 Protinus exuti, nitidis illabimur undis,
 Nudaq; perspicuis velamus corpora lymphis.
 Nunc facie prona namus; nunc nare supini
 Tentamus.^a Bibimus. Nec enim omnia possumus omnes.^a Indocti nare, a-
 quam imbibimus.
 Postquam vexatis per totam fluctibus horam
 Lusimus; egressi siccis lodicibus udi
 Induimur. Mox quisq; suo vestimur amictu.
 Vestitos stratis expectat cænula mensis.
 Nox atra interea simul evolat omnibus antris.
 Et victrix tenebris involverat omnia cæcis,
 Donec succensis infertur cæna lucernis.
 Jam nobis lixæ non integra balnea ovillæ,
 Sed modicum juris,^b consultis ponitur. Ipsa
 Tum caro^c conditis thermis edueta, seorsim.

C 2

Cænula.

Jus.

^b Interrogatis, an
apponi placeret.^c ovilla elixa, juf-
culo extracta.

^a oville assatz.^b pullus.

Pisa.

Polus Pole.
Mirab. 7.^c pedibus.

Atq; ovis ejusdem fumans a cuspide ^a lumbus.
Et nuper rupto gallinæ ^b filius ovo.

Pisq; quæ nobis converrat cochlear uncta.
Ditia cum frustra querantur pocula Bacchi,
Olla subridens bibitur cervisia nigra.
Cœnati peto somnos arcessimus hausto.
Postera Phœbeos ducens Aurora triumphos
Nondum vulgares Cælo dimoverat ignes,
Cum somno excusso tepidis immergimur undis
Rursus, & inficimur penitus medicante liquore
Jam dibaphi; atq; iterum rorantia corpora lectis
Reddimus, & nona de somno surgimus hora.

Unica restabat, verum dignissima visu,
Haud procul hinc Spelunca Poli, sic dicta Caverna.
Insignis latro Polus, &, si credere famæ
Debemus, furi par Caco, & forte coævus,
Hac usus latebra consuevit vivere raptis;
Atq; viatores spoliandos ducere in Antrum.
Verum & ei solenne fuit conjungere furtis
Cædem; Sic textit scelera authoremq; Caverna,
Hanc inspecturi penitus, ductore perito
Cæcarum assumpto ima sub tellure viarum,
Eximus, pedites collem petimusq; virentem,
Distantem nostra vix passus mille taberna.
Ipsas ad montis radices, concava tellus
Prostratis aditum pertusa foramine præbet
Exiguo, minus at præmissis invia ^c plantis.
Omnes cancrino gressu, sumptaq; lucerna

Quis-

Quisq; sua, tandem transmittimur, erigimurq;
 Antrum, horrendum, informe, ingens aperitur. Et atra
 Divisa in partes nox diffilit atrior ambas.
 Aspera; apparet Latronis, & horrida Saxis
 Regia. Percussum rutilo micat igne lacunar.
 Progredimur. Pedibusq; admoto lumine cantis,
 Saxa ingentia, roscida, lubrica, & ardua scansu,
 Libera, corruiura semel, nunc ergo timenda,
 Saxosaq; feros montes vallesq; Cavernæ
 Transimus; fluviūq; suas qui dissipat undas
 Cæcus in objectas impingens murmure rupes.
 Qui scandet rauco surgentem a flumine montem,
 Ille licet sudetq;, pedesq; manusq; fatiget,
 Dissita ab introitu stadiis tribus, ultima opaci
 Pertinget (multo nobis audacior) Antri.
 Speluncam hanc credas habitatam Gorgone primum
 Anguicomâ, & versa in rigidum sic omnia Saxum.
 Nam lapis est, quodcunq; vides. Laquearibus altis
 Quæ sicci tibi terga Suis pendere videntur,
 Dentibus band cedent. Durum sunt utraq; saxum.
 Non est ille Leo, Leo, quamvis erigat hirta
 Colla juba, sedeatq; Antri ferus incola cæci,
 Sed fulvus lapis. Ille Senex qui rupibus aspris
 Innisus recubat cubito, pars rupis & ipse est.
 Quæque lacunari scintillam Astra micante,
 Sunt nitidi illata gemmantes luce lapilli:
 Guttaq; quæ saxi mucro nunc pendet acuti,
 Numquid & illa lapis? lapis illa vel est, vel erit mox.

Adnoti

a transfugiens à
naturâ aquâ ad
saxeam.

Admoti exceptam digito deprendimus esse
Nec lapidem, nec aquam, verum media inter utrumq;
Natura, qualiq; tenax humore farina.
Detinet intentos dum^a transfuga lymphæ, lucernæ
Curtæ perplexæ suadent exire Caverna.
Sed prius ad lævæ remeantes, undiq; saxo
Obductum plano, Furis, nulloq; madentem
Rore Poli thalamum, lecti, lasaniq; capacem,
Inspicimus. Superis tum demum reddimur oris.
Jam tepido fessos sudore rigaverat artus,
Scandendiq; gravis labor, & formido cadendi.
Reptantumq; manus obleverat humida tellus.
Verum ante ora specus turba officiosa, lavandis
Præbebat manibus permistam floribus undam.
Scilicet exigitur tacite pro munere nummus.
Refle. Namq; hærent sordes utcunq; lavemur
Ni (quamquam levibus) referatur gratia donis.
Omnia jam Pecci Miracula vidimus Alti,
Buxtonamq; iterum perlatis, & cito pransis
Adducuntur equi, nos qui inter nubila vestros,
Solliciteq; decem numerantes millia passum,
Per non insignes Chelmar-ton, Sheldon, & Ashford,
Ad Chatworth referunt celerem Deroentis ad undam.

FINIS.

L O N D I N I :

Excudebat J. C. pro Gulielmo Crook, ad Signam Draconis
Viridis in Vico vulgò vocatò, Without
Temple-Bar. 1675.

A CATALOGUE of the WORKS of Mr. HOBBS.

- 1 **T**Hucydides Translated out of Greek into English. Folio.
- 2 *De Mirabilibus Pecci*, in 4° a Latine Poem.
- 3 *Humane Nature*, in 12° Engl.
- 4 *De Corpore Politico*, in 12° Engl.
- 5 *Elementa Philosophica de Cive*, 12° Lat. Printed 1642.
- 6 *Idem* in English in 12° Printed 1651.
- 7 *Of Liberty and Necessity*, 12° 1654.
- 8 The Case stated betwixt Bp Bramhall and Mr. Hobbes, about Liberty, Necessity, and Chance, 4° Engl. 1658.
- 9 *De Corpore Philosophia*, 8° Lat. 1655.
- 10 *Idem* in English 4° with six Lessons to the professors of Mathematicks in Oxford. 1658.
- 11 *Leviathan*, folio Engl. 1650.
- 12 *Idem* in Latine Printed at Amsterdam, 4°. 1661.
- 13 *Dialogus Physicus*, 8° Lat.
- 14 *Dialogus de Aeris*, 4° Lat.
- 15 *De Homine*, 4° Lat.
- 16 *Examinatio*, Matb. 4° Lat.
- 17 *Mr. Hobbes Considered*, 8° Engl.
- 18 *Stigma*, or marks upon Dr. Wallis, 4° Engl.
- 19 *Circulat. Cube*, 4° Lat. 1667.
- 20 *De Principio & Ratione Geomet.* 4° Lat. 1666.
- 21 *Rosetum Geometricum, sive Propositiones Aliquot frustra antehac tentatæ*, Lat. 1671.

22 Lux

A Catalogue.

- 22 *Lux Mathematica*, 4° Lat. 1671.
- 23 *Primæ partis Doctrinæ Wallisianæ de Motu censura Brevis*.
4° Lat. 1671.
- 24 Three Papers presented to the Royal Society against Dr.
Wallis, 4° Engl. 1671.
- 25 *Principia & Problemata aliquot Geometrica ante desperata,*
nunc breviter Explicata & Demonstrata, 4° Lat. 1674.
- 26 *The Travels of Ulysses*, 12° Engl 1674.
- 27 Translation of all *Homer's Odyssees* out of Greek into English,
with a Preface about Heroick Poetry, 12° 1675.
- 28 *Epistol. ad D. Wood*, Lat. 1675.

In two Volumes in 4° are Printed at *Amsterdam*, in Latine, what are figured 5, 9, 11, 13, 14, 15, 16, 19, and 20. And in a third Vol Printed at *London* for *W. Crook*, are these Pieces figured 2, 21, 22, 23, 24, 25, &c. The rest are to be had no otherwise but single.

There are these following Manuscripts of Mr. *Hobbes's*.

- 1 Epitome of the Civil Wars of *England*, from 1640. to 1660.
- 2 A Dialogue betwixt a Student in the Common Laws of *England*, and a Philosopher.
- 3 Defence of his *Leviathan* against Bp *Bramhall*.
- 4 Hist. *Ecclesiastica Romana*.
- 5 Of Heresie, and the Punishment thereof.
6. His Life, Written by himself.

Which Manuscripts are delivered by the Author into the hands
of *W. Crooke*.

